



---

# Notat

---

Til: Ordfører

Kopi til:

Saksbehandler: Stab/Lin Tove Thomassen

Vår referanse: 20/141 - 82 / FA-U63

Dato: 26.08.2020

## Emne: Orientering om fastsetjing av skjenketider i Vaksdal kommune

Ved handsaming av skjenkeløyve skal ein leggje til grunn dei retningslinjer som er nedfelt i gjeldande rusmiddelplan, vedteke av kommunestyret 46/04, oppdatert i 2006, samt alkohollov med forskrifter.

Alkohol er kategorisert i tre grupper etter alkoholstyrke:

- Gruppe 1 – alkoholstyrke under 4,76 % - Øl/rusbrus
- Gruppe 2 – alkoholstyrke 4,77 % - 22 % - Vin
- Gruppe 3 – alkoholstyrke 22 % - 60 % - Brennevin

Det er ikkje lov og omsette alkohol med styrke over 60 %

Alkohollova §4-4 legg føringar for skjenketider. Her står det mellom anna at det er forbode å skjenke alkohol gruppe 3 mellom kl. 03.00-13.00 og gruppe 1 og 2 mellom kl. 03.00 og 06.00.

Ved tildeling av løyve, fastset kommunestyret skjenketider for verksemdene. I Vaksdal kommune sin Rusmiddelplan kan ein lesa:

«Til løyvet er det knytt fastsett skjenketid. Dersom ikkje anna er sagt er skjenketida:

- Brennevin - Mellom kl. 13.00 og 24.00
- Øl og vin - Mellom kl. 08.00 og 01.00»

Som kommunestyret kjenner til, fekk fem skjenkestadar i Vaksdal kommune fornya sitt løyve for ein ny fire-årsperiode i kommunestyremøtet 23. juni 2020.

Alle som fornya sitt løyve, søkte om skjenketid utover det som vart fastsett som skjenketid i rusmiddelplanen. I førre fireårsperiode fekk dei innvilga skjenketid utover det som vart fastsett som skjenketid i rusmiddelplanen. Når rådmannen legg rusmiddelplanen til grunn, vil vedtak om skjenketider etter 2006 overstyre skjenketid fastsett i rusmiddelplanen. I praksis vil det seie at vedtak om skjenketid frå førre periode legg føringar for ny periode.

Politiet kom med slik uttale til ein spesifikk skjenkesøknad for inneverande periode:

«Politiet ønsker av ordensmessige hensyn, samt av hensyn til nattero og beliggenhet/ steds plassering, at kommunen vurderer skjenketider – uteservering -som omsøkt. Politiet anbefaler på generelt grunnlag og ikkje ha uteservering lenger en til kl. 23:00.»

Som ein kan lesa i saksframstillinga av skjenkeløyer for perioden 2020-2024, sak 47/2020, var rådmannen samd med Politiet om at ein må ta omsyn til naboar og området rundt for verksemdar som ligg sentralt plassert.

*«Dette gjeld spesielt for Nye Dale Vertshus i Dale Sentrum, Milano Pizzeria i Vaksdal sentrum og Lågen Spiseri AS i Stanghelle sentrum.*

*Når kommunen i føregående periode ikkje har fått klage frå naboar og omgjevnader, så kan dette vere ein indikasjon om at verksemdene overheld krav om å halde alminneleg ro. Derfor foreslår rådmannen at tidspunkt for stenging av uteserveringa for verksemdar som er plassert i sentrum av bygdene vert sett til kl. 24.00, med same vilkår. Tidspunktet er i tråd med tidlegare gjevne løyver.»*

Skjenketidene som er tildelt for ny periode tek altså utgangspunkt i regelverket, kva søkjar har oppgjeve i søknaden når det gjeld skjenking og opningstider, vedteken skjenketid i førre periode og innkomande innspel når det gjeld uteservering. Rusmiddelplanen skil ikkje mellom inne og uteservering, medan praksis i kommunen har vore å redusere skjenketida ute på dei skjenkestadane som ligg i sentrum med tett bebyggelse.

Sluttidspunktet for skjenking er sett ut frå opningstider til verksemda. Tidspunkt for å avslutte skjenking vart sett til 30 min før dørene stenger jamfør alkohollova §4-4:

*«Konsum av utskjenket alkoholholdig drikk må opphøre senest 30 minutter etter skjenketidens utløp.»*

For kvar skjenkestad vert skjenketidene ulike. For å få ei viss forståing, er det naturleg å presentere ei oversikt over skjenketid for førre periode, kva dei søkte om, opningstid for verksemda og kva som vart løyvd for ny periode for kvar verksemd.

#### **Oversikt over salstider i førre periode, søknad og inneverande periode pr. verksemd.**

| <b>SJØBUA PÅ EIDSLAND</b>                                   |                                |                             |                                                              |
|-------------------------------------------------------------|--------------------------------|-----------------------------|--------------------------------------------------------------|
| <b>Løyve i perioden 2016-2020:</b>                          | <b>Søknad 2020:</b>            | <b>Oppgjeve opningstid:</b> | <b>Løyve i perioden 2020-2024</b>                            |
| Skjenketid både inne og ute:                                | Skjenkeløyve både ute og inne: | 10.00 - 02.00               | Skjenkeløyve både ute og inne:                               |
| Gruppe 1 og 2: kl. 10.00-02.30<br>Gruppe 3: kl. 13.00-02.30 | Gruppe 1,2,3 kl. 10.00-02.00   |                             | Gruppe 1 og 2: kl. 10.00-01.30<br>Gruppe 3: kl. 13.00-01.30. |

| <b>BERGSDALSTUNET</b>              |                       |                             |                                   |
|------------------------------------|-----------------------|-----------------------------|-----------------------------------|
| <b>Løyve i perioden 2016-2020:</b> | <b>Søknad 2020:</b>   | <b>Oppgjeve opningstid:</b> | <b>Løyve i perioden 2020-2024</b> |
| Skjenketid både inne               | Skjenkeløyve både ute | Kl. 09.00 - 03.00           | Skjenkeløyve både ute             |

|                                                              |                                 |  |                                                               |
|--------------------------------------------------------------|---------------------------------|--|---------------------------------------------------------------|
| og ute:                                                      | og inne:                        |  | og inne:                                                      |
| Gruppe 1 og 2 kl.<br>09.00-02.30<br>Gruppe 3 kl. 13.00-02.30 | Gruppe 1,2,3 kl. 09.00 - 03.00. |  | Gruppe 1 og 2 kl. 09.00-02.30<br><br>Gruppe 3 kl. 13.00-02.30 |

| ELVAHUSET                       |                                |                      |                                 |
|---------------------------------|--------------------------------|----------------------|---------------------------------|
| Løyve i perioden 2016-2020:     | Søknad 2020:                   | Oppgjeve opningstid: | Løyve i perioden 2020-2024      |
| Skjenketid både inne og ute:    | Skjenkeløyve både ute og inne: | kl. 10.00-02.00      | Skjenkeløyve både ute og inne:  |
| Gruppe 1,2 og 3 kl. 13.00-01.00 | Gruppe 1,2,3 kl. 13.00-01.00   |                      | Gruppe 1,2 og 3 kl. 13.00-01.00 |

| LÅGEN SPISERI AS                                                              |                                                                                                                                                                                 |                                       |                                                                                                                                                                                                                                                                                                                                                        |
|-------------------------------------------------------------------------------|---------------------------------------------------------------------------------------------------------------------------------------------------------------------------------|---------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Løyve i perioden 2016-2020:                                                   | Søknad 2020:                                                                                                                                                                    | Oppgjeve opningstid:                  | Løyve i perioden 2020-2024                                                                                                                                                                                                                                                                                                                             |
| <b>Innandørs</b><br>Gruppe 1 og 2 kl. 12.00-01.30<br>Gruppe 3 kl. 13.00-01.30 | Skjenkeløyve både ute og inne:                                                                                                                                                  | Ulik pr dag, men maks kl. 10.00-02.00 | <b>Innandørs:</b><br>Gruppe 1 og 2 mån, tysd, onsd og sønd. kl. 10.00-22.30<br>Gruppe 1 og 2 tors. kl. 10.00-23.30<br>Gruppe 1 og 2 fre. kl. 10.00-00:30<br>Gruppe 1 og 2 lør. kl. 10.00-01:30<br>Gruppe 3 mån, tysd, onsd og sønd. kl. 13.00-22.30<br>Gruppe 3 tors kl. 13.00-23.30<br>Gruppe 3 fre. kl. 13.00-00:30<br>Gruppe 3 lør. kl. 13.00-01:30 |
| <b>Utandørs</b><br>Gruppe 1,2 og 3 kl. 16.00-24.00                            | Gruppe 1,2,3 mån, tysd, onsd, sønd. kl. 10.00- 23.00<br>Gruppe 1,2,3 torsd. kl. 10.00- kl. 00.00<br>Gruppe 1,2,3 fred. kl. 10.00 - 01.00<br>Gruppe 1,2,3 laur. kl.10.00 - 02.00 |                                       | <b>Utandørs</b><br>Gruppe 1,2 og 3 mån - fred kl. 16.00- 24.00<br>Gruppe 1,2 og 3 lør og søn kl. 13.00- 24.00                                                                                                                                                                                                                                          |

| NYE DALE VERTSHUS                                                               |                                |                      |                                                                                 |
|---------------------------------------------------------------------------------|--------------------------------|----------------------|---------------------------------------------------------------------------------|
| Løyve i perioden 2016-2020:                                                     | Søknad 2020:                   | Oppgjeve opningstid: | Løyve i perioden 2020-2024                                                      |
| <b>Innandørs</b><br>Gruppe 1 og 2 kl. 10.00-02.30.<br>Gruppe 3 kl. 13.00-02.30. | Skjenkeløyve både ute og inne: | Kl. 10.00-02.30.     | <b>Innandørs</b><br>Gruppe 1 og 2 kl. 10.00-02.00.<br>Gruppe 3 kl. 13.00-02.00. |

|                                                                              |                                     |  |                                                                              |
|------------------------------------------------------------------------------|-------------------------------------|--|------------------------------------------------------------------------------|
| <b>Utandørs</b><br>Gruppe 1 og 2 kl.10.00-24.00<br>Gruppe 3 kl. 13.00-24.00. | Gruppe 1,2 og 3 kl.<br>10.00-02.30. |  | <b>Utandørs</b><br>Gruppe 1 og 2 kl.10.00-24.00<br>Gruppe 3 kl. 13.00-24.00. |
|------------------------------------------------------------------------------|-------------------------------------|--|------------------------------------------------------------------------------|

Rådmannen kan forstå at det er ytra eit politisk ønske om å standardisera skjenketidene på same måte som ved salsløyve. Noko som gjerne var utgangspunktet då skjenketidene vart fastsett i rusmiddelplanen.

Rusmiddelplanen er planlagd revidert i inneverande periode. I utgangspunktet var dette arbeidet planlagd å starte opp hausten 2020/våren 2021. Samtidig ser vi at sentrale ressursar til arbeidet har fått arbeidsdagen sin påverka av korona-pandemien. Arbeidet er difor utsett inntil vidare.

I vedtekne skjenkeløyve gjevne i juni 2020 vart det sett eit atterhald om at ei revidering av planen kan føre til endringar for skjenkeløyvet. Arbeidet med tilrettelegging for ei standardisering av skjenketider både ute og inne, vil naturleg høyre inn under dette arbeidet, samtidig er det mogleg å skilje ut kapittelet som omhandlar retninglinjer for sal og skjenking og gjere ei eiga revidering av desse.